



## **XALQ DEPUTATLARI QOROVULBOZOR TUMANI KENGASHI**

### **QARORI**

2022 - yil 30 - dekabr

VI-74-231-2-38-K/22

Qorovulbozor tuman hokimligi

#### **Qorovulbozor tumanida yangi mahalla fuqarolar yig'ini tashkil etish to'g'risida**

O'zbekiston Respublikasining "Fuqarolarning o'zini o'zi boshqarish organlari to'g'risida"gi Qonunining 6-va 31-moddalari, O'zbekiston Respublikasi Vazirlar Mahkamasining 2014-yil 4-martdagi qarori bilan tasdiqlangan "Tumanlar, posyolkalar va ovullarning mahallalarini tuzish, birlashtirish, bo'lish va tugatish, shuningdek, ularning chegaralarini belgilash va o'zgartirish, ularga nom berish va ularning nomini o'zgartirish tartibi to'g'risida"gi Nizom, O'zbekiston Respublikasi Davlat soliq qo'mitasi huzuridagi kadastr agentligining 2022-yil 30-noyabrdagi 08-10694-sonli xati, shuningdek "Geografik obyektlarga nom berish yoki ularni qayta nomlash to'g'risida"gi takliflarning Qonun hujjatlariga muvofiqligi haqidagi ekspert xulosasini inobatga olib, xalq deputatlari Qorovulbozor tumani Kengashi

#### **QAROR QILADI:**

1. O'zbekiston Respublikasi Davlat soliq qo'mitasi huzuridagi kadastr agentligining xati, shuningdek, "Geografik obyektlarga nom berish yoki ularni qayta nomlash to'g'risida"gi takliflarning qonun hujjatlariga muvofiqligi haqidagi ekspert xulosasi ma'lumot uchun qabul qilinsin.

2. Tumanda "Sardoba"nomli yangi mahalla fuqarolar yig'ini tashkil etilsin.

3. Tuman hokimligi moliya bo'limi (A.Davronov)ga:

tumanda yangi tashkil etilgan "Sardoba" mahalla fuqarolar yig'ini uchun 2023 yil 1 yanvardan boshlab shtat birliklarini ajratish va saqlash bilan bog'liq xarajatlarni 2023 yil mahalliy budget parametrlarida rejalashtirsin.

4. Tuman hokimining birinchi o'rinbosari (D.Djumayev), tuman Mahalla va nuroniylarni qo'llab-quvvatlash bo'limi boshlig'i (N.Sobitova), tuman hokimligi moliya bo'limi (A.Davronov) va sektor rahbarlariga:

yangi tashkil etilayotgan "Sardoba" mahalla fuqarolar yig'inlari xodimlari uchun yaratilgan ish sharoitlari hamda aholiga xizmat ko'rsatish uchun barcha qulayliklar mavjudligini o'rganib chiqish va amaliy yordamlar ko'rsatish vazifalari yuklatilsin.

5. Davlat kadastrlari palatasi Qorovulbozor tumani bo'limining yangi tashkil etilayotgan mahalla fuqarolar yig'inining chegaralarini aks ettiruvchi chizmalari tasdiqlansin.

6. Tuman Ichki ishlar bo'limi (F.Vafayev), tuman Mahalla va nuroniylarni qo'llab-quvvatlash bo'limi (N.Sobitova) 10 kun muddatda yangi tashkil etilayotgan mahallalarning muhr-tamg'alari va burchak

shtamplarini belgilangan tartibda tayyorlash vazifasi yuklatilsin.

7. Tuman Mahalla va nuroniylarni qo'llab-quvvatlash bo'limi boshlig'i (N.Sobitova)ga bir oy muddatda yangi tashkil etilayotgan mahalla fuqarolar yig'inlarida amaldagi qonun talablariga rioya etgan holda pandemiya sharoitidan kelib chiqib yangi saylov o'tkazish vazifasi topshirilsin.

8. Tuman hokimligi axborot xizmati (I.Karimov), "Qorovulbozor tongi" gazetasi tahririyati (B.Soliyev)ga mazkur qarorni belgilangan tartibda tuman hokimligining rasmiy veb saytiga joylashtirish hamda ommaviy axborot vositalarida e'lon qilish vazifasi yuklatilsin.

9. Mazkur qaror rasman e'lon qilingan kundan e'tiboran kuchga kiradi.

10. Ushbu qaror ijrosini nazorat qilish xalq deputatlari tuman Kengashining sud-huquq masalalari va korrupsiyaga qarshi kurashish bo'yicha doimiy komissiyasi (B.Soliyev), Mahalliy budjet, iqtisodiy islohotlarni amalga oshirish, investitsiyalar va tadbirkorlikni rivojlantirish masalalari bo'yicha doimiy komissiyasi (K.Baqoyev), tuman Mahalla va nuroniylarni qo'llab-quvvatlash bo'limi boshlig'i (N.Sobitova) zimmasiga yuklatilsin.

**Kengash raisi**



**A.Ostonov**